

EkeGusii - Ogotoreka Amariko - Salvation Scriptures

AbaEfeso 2:2 mwagenderete kare as'ogotunyana chingecho chi'ense eye, nagotunyana oboruoti bw'okobua kw'amare omoika gati, omoika oria ogokora emeremo bono as'abana b'ogosaria;

Mathayo 6:10 Obwanchani bwao bokoreke ense, buna bwakoretwe igoro.

Luka 22:42 ogoteba, Tata, koranche, onduserie egekombe eke: korende tari buna ndigetie inche, korende buna origetie aye bikoreke.

Yohana 16:7-9 Korende inche nabatebirie erire ri'ekeene; nebagwenerete inwe inche nyimoke: naki ntaimogeti, Omokonyi tagocha asemore; korende kondagende, nimotome asemore. 8 Naende gatiekire gocha ere, nayekanie ense as'amang'ana ebibe, naende oboronge, naende ekina: 9 as'amang'ana ebibe, ekiagera tibanyancheti inche;

2 Timotheo 2:10 As'engecho y'eyio naremereirie onsi, as'engecho y'abachorwa, erinde barabwo banyore ogotoreka kore ase Kristo Yesu amo nobonene bwa kare nakare.

AbaRumi 15:20,21 Naboigo ngakora okorengereria kwane, koyerandia enhili, timbaisa korandia aria as'erieta ria Kristo riatoirwe, erinde timbaisa koagacha igoro as'oboroso bw'omonto onde. 21 Korende, buna yarigetwe, Baria batarandeirie amang'ana aye nabarore, Na baria bataigweti nabainyore.

Ogokora 2:36,37 Naboigo tiga enyomba ya Israeli yonsi emanye boronge ng'a Nyasaye omokorire Yesu oyio mwabambete koba Omونene na Kristo. 37 Bagachia koyaigwa aya bagasambwa ase chinkoro chiabo, bakamotobia Petero nabatomwa bande, Inki togokora abaminto?

Abalbirania 4:2 Naboigo nekeene, intwe naintwe twaranderigwe amang'ana amaya buna barabwo: korende ring'ana riria riaigwetwe tiria bagwenerete barabwo, ekiagera tiriasang'anete nokwegenime yabo abaigwete.

Yeremia 24:7 - Mathayo 22:37 Yesu akamotobia, Mwanche Omونene Nyasaye oo, nomoy'oo bwonsi, nenkoroyao yonsi, nobong'aini bwao bwonsi.

Ogokora 16:14 Omokungu oyomo erieta riaye Ludia orenge omoonie erangi emonyinga oyo bw'ense ya Thuatira, omosasimi Nyasaye, agatotegerera: enkoro yaye oyo ekaigorwa n'Omونene ayarore amang'ana aregokwanwa na Paulo.

Mathayo 13:14-16 Nababarwo ring'ana ri'Isaya, riabaikeire, rigoteba, Okoigwa namoigwe, ko timoinyora gento kende; Nokorigereria as'amaiso namorigereria, ko timorora gento kende. 15 Naki chinkoro chi'abanto aba, chiabaire chinkong'u, Namato abo igo bakoigwa as'oborito. Namaiso abo bayamiamirie, Tibacha korora namaiso abo, Baigwe namato abo, Bainyore ase chinkoro chiabo, Baonchoke, mbagwenie. 16 Korende inwe mwasesenigwe amaiso aino, ekiagera akorora; mwasesenigwe amato

aino, ekiagera akoigwa.

Isaya 6:9,10 - Ogokora 28:27 Naki emiyo y'abanto aba yakong'ire, Naende amato abo namarito as'okoigwa, Namaiso abo bayamiamirie; Tibabaisa gocha korora as'amaiso abo, Naende koigwa as'amato abo, Nakoinyora as'emiyo yabo, Nagoonchora emiyo yabo, Mbakonye.

Mariko 4:11,12 korende okorigereria nabrigererie, tibarora; nokoigwa nabaigwe, tibainyora; tibacha goonchoka, baberwe ebibe biabo.

Yohana 12:39,40 Naki as'engecho eye tibanyara gwancha, naki Isaya atebete naende, 40 Obaukoirie amaiso, okore chinkoro chiabo chinkong'u; Tibacha korora as'amaiso abo nakomanya ase chinkoro chiabo, Beenchore, Mbagwenie.

AbaRumi 11:7,8 Naki abaire rende? Egento keria Israeli are gokerigia takenyoreti; korende baria bachoretwe mbarabwo bakenyorete, nabande bakabekwa obokong'u: 8 buna arikire, Nyasaye akabaa omoika bwe chitoro, amaiso erinde tibarora, namato erinde tibaigwa goika rero iga.

2 AbaThesaloniki 2:10,11 nas'okong'aina gwonsi as'obobe bwabo abagosira; ekiagera tibagianchete ekeene, banyare gotorigwa. 11 As'ayio Nyasaye nabaretere chinguru chi'ogosira, babwanche oborimo:

Mathayo 13:18-23 Gaki yoigwe omoreng'anio bw'omobusuri bw'embusuro, 19 Omonto bwonsi orabe nkoigware ring'ana ri'obonda, gotarinyora, nigo agocha oria omobe, oritaboria riria riasimekirwre as'omoyo oye; oyo nere obusuirwe enchera mbarabare, 20 Noyo obusuirwe amagena ime nere okoriigwa riria ring'ana, akaribwata bwango nomogoko; 21 korende tari nemeri omonyene, ogenderera egeka egeke; korende emechando egochigocha, gose ogochandwa ekiagera ase ring'ana riria, erio ogochwa. 22 Noyo obusuirwe amagwa ime, Oyo nere okoigwa ring'ana riria, riba nkomigwarire ring'ana nokorengereria gw'ense, nokong'ainwa kw'enibo, takwama. 23 Noyo obusuirwe as'amaroba amaya, nere oria okoigwa ring'ana riria, oriinyora; nere ekeene bwama amatunda, aya emia, naya emerongo etano nomo, naya emerongo etato.

2 AbaKorintho 3:15,16 korende nonya ndero, Musa gagosomwa, egetambaa ngeikaransete ase chinkoro chiabo. 16 Korende ekero gionsi bakoomoonchokera Omonene, nakeria egetambaa iga gekorusigwa.

Hosea 11:3-7 - Mathayo 11:28-30 Nchuo asende inwe mwensi abwo mwarosigwe as'emeremo emerito, abwo mwabunekire nechigurube, nainche nimbatimokie. 29 Mwetweke egesibo kiane, mwegere asende, ekiagera inche nomwororonde, nomoitongo bw'omoyo: nainwe namorore ogotimoka as'emebere yaino. 30 Naki egesibo kiane nekiororo, negurube yane nengusu.

Ogokora 26:18 obaramokie amaiso abo, badge omosunte nakoyoiranera omobaso, nagochitiga chinguru chia saitani nakoomoonchokera Nyasaye, banyore okwaberwa kw'ebibe biabo, nomwando as'egati yabo abasibigwe

as'okwegen kore ime asende.

- 2 Timotheo 2:24-26 Naende tai buya omosomba bw'Omonene koba omonyariomana, korende koba omwororo as'abanto bonsi, oranyare kworokia, omoremereria, 25 abakanye as'obwororo abwo bakoamererania nere, erinde gose keranyarekane, Nyasaye abae okoonchoka nobong'aini bw'ekeene, 26 banyare komanya nagosoka korwa as'obeto ya saitani, basakorwe nomosomba bw'Omonene, koyakora ayanchete Nyasaye.

Okomanoka 3:17-19 Ekiagera ogoteba, Inche nomonda, netenenkirie, tindigeti 'gento; naye tomanyeti ng'a igore omonto bw'emechando, noyogochandeka, nomotaka, nomouko, nagetirianda: 18 ninkorigetie ogore asende ethahabu yasibigwe as'omorero, onyare koba omonda; nechianga chindabu onyare kweboyia obosoku bw'egetirianda kiao tibororekana; neriogo ri'amaiso okweaka amaiso ao, onyare korora. 19 Inche iga nkobakania bonsi abanyanchete, nakobaaka: nabo obe nomokia, nakoonchoka.

- 2 AbaKorintho 7:10 Naki ogoichana kore as'obosio bwa Nyasaye iga gogokora okoonchoka gokoreta ogotoreka gotari nagweitia: korende ogoichana gw'ense iga gogokora amakweri.

1 Abaruoti 18:37 - God turned heart back to God

- 2 AbaKorintho 4:4 as'ayio nyasaye bw'ense eye obamumekeirie obong'aini bw'abwo abatancheti, ng'a tobaikera omobaso bw'enchili y'obonene bwaye Kristo oyore ekieni kiaye Nyasaye,

Luka 8:11-15 Nomoreng'anio nor'oyo: Embusuro ne Ring'ana ria Nyasaye. 12 Nabaria b'enchora, nabwo bakoigwa; erio ochicha saitani, nakirusia riria ring'ana as'emioyo yabo, erinde tibacha gwancha bakonyeke. 13 Nabaria bare as'egetare nabwo baria, bakorigwa ring'ana, baribwata nomogoko; naba tibari nemeri, bancha as'ekero egeke, nekeri gi'ogotemwa berusia. 14 Nechio chiagwete as'amagwa, aba nabwo bakoigwa, nabarabwo kobakogenda enhera yabo bamigwa nokorengereria kw'enibo, nomogoko bw'obogima, tibama as'ogoikerania. 15 Nechinde chire as'amaroba amaya, aba nabwo as'emioyo emiya naende ey'ekeene, bakorigwa ring'ana, baribwata, bama noboremereria botambe.

Ogokora 16:31 Bakamotebia, Mwanche Omonene Yesu Kristo, naye notoreke amo nenyomba yao.

AbaRumi 8:13 naki komorabe moyo as'ogotunyana chingecho chi'omobere iga moranyare gokwa; korende komoraite ogokora kw'omobere as'omoika, namobe moyo.